

ag kon kaisa, bukon eamang it gina unán do pag sueát kondí gina ibá ro pag mitlang, kamuká ku *second*, *segundo* nga sa latín nga *secundus* mag gikan, kamana man ku *kabayo*, *sabon*, nga sa *caballo*, *jabon* mag halín.

HUNG PONG NGA XVI

Mga bisaeá nga wa sa inakeanón

Kinahangean nga tukoran.

Abúng mga ngaean it bagay ag butáng ag ibang mga bisaeá nga gina gamit sa ibang hambae nga wa't katimbang sa inakeanón. ag tungod kará, hay kinahangean nga tukoran it mga bisaeá nga magin katimbang nanda sa inakeanón, ay kon panaglitan gamitan it kinatsilá hay maeueobtan eamang katong mga antigohán mag kinatsilá. Bangúd kará hay iga paathag sa masunod nga mga kinama ro bagay himuon.

Dapat mag tukod sa damutdamot it mga bisaeá nga ikatimbang ku gina gamit sa ibang hambae nga wa't katuead o katimbang sa inakeanón; apang do pag tukod hay dapat isikad sa mayád nga tindugan, isungkà sa katarungán nga iga pahayag ku atong dugalingon nga painoino. Dì mag pa sumbaeang ag mag tukod it maski paalin eamang it mga bag-o nga bisaeá. Panaglitan, sa inakeanon hay wat mga katimbang ku kinatsila nga *proyecto*, *franqueza*; kon atong gamiton rayang mga bisaeá (*proyecto*, *franqueza*) ro wá makatuón it kinatsila hay dì maka tungkad kon anó ro an-